

山西通志卷第一百七十三

山西巡撫都察院右副都御史臣覺羅石麟奉

旨修輯

陵墓二

汾州府

汾陽縣

晉西河王司馬斌墓在城西七里魏中郎晉初封陳王又名

陳王墓

趙離石侯石嵩墓在萬戶山之西趙封石嵩爲離石侯卒葬

此

宋狄武襄公青墓在城北十里郝洪里劉村翰林學士王珪

撰碑

山西通志 卷一百一十三
樞密副使王嗣宗墓在城西南十里張家莊仕至太尉諡景莊

元呂簡肅沆墓在城南三里學士虞集撰碑

狀元張益墓在城西北三里仕至司業

明慶成恭僖王墓在城西二十里

溫穆王墓在孝臣里

端順王墓在孝臣里

恭裕王墓在孝臣里

安穆王墓在宋家里

悼懷王墓在孝臣里

永和王美鳩墓在洪西里

顯僖王墓在小相里

榮懷王墓在池定里

安簡王墓在太平里

莊定王墓在太平里

恭懿王墓在三泉里

靖惠王墓在羅城里

詹事辛彥博墓在城西南三里

知縣田籽墓在城南一里

知府嚴泰墓在城西南

孝子劉仲原墓在董師河南西嶽廟北

布政孔天孕墓在城北人美廂

侍郎王緝墓在城西十里

太僕張更化墓在城西十五里

少卿張第元墓在城西南四十里馬莊

禮部郎中靳光先墓在城南三十里

給事曹良直墓在城東北三十五里

國朝少師胡世安墓在城南二十里

兵部郎中鄭之璞墓在城西北原底

行人劉興漢墓在城東北文會里

平遙縣

周卿士尹吉甫墓相傳在縣東門外北路

北齊王妃墓在縣西北二十里

唐吏部冢宰裴誨墓在金莊村

上柱國梁思墓在下西門外

趙氏三孝女墳在縣東七里梁村北相傳有趙姓者止生

三女及笄以老胥不適人日夕孝養比親歿三女躬瘞墳高三十尺周二畝有奇各樹栢一焉

宋裴尚書墓在下西門外

禮部侍郎裴定墓在下西門外

元評事杜遇墓在范洛村

評事梁秉鈞墓在梁官村

縣令梁瑜墓在梁官村

征行都元帥五路萬戶梁瑛墓在梁官村

縣令梁琮墓在梁官村

河東南北路奧魯萬戶侯杜珏墓在范洛村

龍虎衛上將軍河東南北路兵馬大元帥杜豐墓在范洛村

明威將軍吉州路達魯花赤杜思明墓在范洛村杜思敬

撰碑曰在西汾里

中書叅知政事四川行省左丞諡文定公杜思敬墓在范

洛村

河東山西道宣慰使贈康靖公杜冑構墓在范洛村

大學士贈晉國公杜宣墓在范洛村左丞杜冑獲祔

四川道肅政廉訪使梁天翔墓在梁官村

工部侍郎梁日新墓在姚村州判梁舉祔

承事郎大名路清河縣尹梁時正 治中梁時中 校尉

梁時仁墓胥在梁官村

明誠齋先生李震墓在梁趙村

知州任良才墓在北門外弟吏科給事中任良弼祔

延長知縣雷潔墓在南門外

同知李頤墓在梁趙村

舉人梁殿邦墓在梁官村

知州王尚龍墓在金莊村

知縣范道行墓在南門外

寧遠道劉三元墓在樂城

貢生劉士鰲墓在北門外

華陽縣丞梁棟隆墓在南門外

國朝割股孝子梁州尹墓在東郭村

割股孝子梁州儒墓在西郭村

知州梁禹甸墓在南門外

知府梁潢墓在南門外

介休縣

漢李陵墓相傳在縣東四十里陵卒塞外單于遣遞陵屍於長安至介休東四十里下梁李侯村南馬不行遂葬焉宋天禧二年鄉民因墓建祠

郭有道墓謝景初魏文侯墓碑曰汾州圖牒東漢郭林宗之墓在介休縣東二里蔡邕作林宗碑在墓之側予於州城東大中佛寺北應得林宗碑備刻二辭其一蔡邕之文其一記林宗後裔纖悉不刻立碑之年再推本似隋唐間不知何時移置州城也予今訪求而林宗墓亡之矣

宋有道墓水經注介休城東有徵士郭林宗宋子浚二碑宋冲以有道司徒徵

西晉賈侯墓在縣南三里晉時死節葬此

元魏車騎大將軍穆祚墓在縣南七里許

宋子浚墓在縣南西靳村

唐劉武周墓相傳在縣東南隅

御史馬周墓在縣東四里官路北有碑記

楊復恭墓在抱腹山假子彥博收骸骨以葬

宋文潞公祖母墓在縣西一里許明趙睿築垣牆建享堂立表

元鈕宣慰墓在縣西北三里許其父文墓亦在焉

吏部員外梁欽構墓

孝義縣

周魏文侯墓宋謝景初撰碑曰考汾州圖牒曰魏文侯之墓在孝義縣西五里他日涉郡守園池見唐開元二十年孝

義令楊仲昌所作魏文侯碑在焉其傍記墓在勝水之陽
與其周環高大甚備至大中十年刺史崔駢自孝義移於
此已而得魏文侯之藏於是使李令改石別刻楊氏之碑
與其墓之所在周環高大并崔駢所列者盡鑿而立之墓
側

三子墓在縣西北土人傳爲卜子夏段干木田子方墓

二墓已載河津芮城今因周墓不別見姑存之

漢郭巨墓在縣東北

唐武府君墓在縣南七里吳屯村

宋宣皇聖母陵在縣西南六十里今宣皇原王才里按宋

建隆元年八月丙午奉上玉冊諡祖曰簡恭皇帝廟號翼

祖祖妣劉氏曰簡穆皇后舊志書宣皇聖母當係宣祖之

母卽簡穆后也

劉宣王陵在縣西南六十里下馬寬村

叅知政事趙景肅公昌言墓在縣西五里趙家莊北

文氏先塋在縣南二十里董屯村文潞公會祖周國公夫

人郭氏霍氏武氏墓在焉潞公有永福寺藏經記

辛氏先塋在縣西北五里居義村

明晉恭王妾劉氏墓在縣西南偏居村劉氏以子永和王封

汾陽就養葬此 按恭王妃謝氏故永和王母書妾

慶成莊惠王墓在縣西十二里崇原頭

慶成莊惠王唐妃墓在縣西二十里吐京村

永和昭定王墓在縣西三十里臨店村南

按察梁明翰墓在縣西五里張家莊東

大司馬霍冀墓在縣北一里王崇古換墓表

侍御霍莘墓在縣西三里

給事中任道克墓在縣西北三里

副使張冕墓在縣西北二里

中丞王裕心墓在縣北三里

臨縣

元延安兵馬總管袁湘墓在太平鄉白汶里姚燧換神道碑

子按察使袁克忠採木司袁克良墓胥在穆村峪

淮陽王張宏範墓在松峪村

尚書紀秀墓在縣北萬安坪

吉狀元墓在吉家莊

石樓縣

五代薛鐵山墓在縣東南二十里麻鄉村碑文剝落

宋康州團練使呼延贊墓在縣南九十里忠孝村

元韓子忠墓在縣西北四十里

鄭允中墓在縣南原五里

永寧州

元魏孝文帝陵相傳在州北東七十里拓拔嶺

隋離石郡太守楊子崇墓大業末離石郡守義兵起遇害司

法李德紹請贈官葬於離石

唐右臺侍御史宋務光墓在州南五十里有羊虎碑文剝落

石嶺軍使昌化郡王鄔承玘墓在州東七十里煖泉瀝山

土人名吳道溝鄔王墓舊志作鄔成

吳武烈墓在州東北三十里石村古碑存

山西通志 卷一百一十三
宋陳搏墓相傳在州北三陽山半葬後華陰人來取其骸骨
啓視之頭大如斗骨赤如丹異香經日不散負至城西南
原不能動復葬於鳳山

寇宰相墓在城東北八十里康家嶺古墳一座相傳寇準
葬此 按陝西西安府渭南縣有寇萊公墓

工部侍郎滕茂實墓在州東七里有自墓今不存 茂
實遷代州聞欽宗將至卽自爲哀詞且自篆宋工部侍郎
滕茂實九字取奉使黃旛裹之後卒雲中元好問中州集
曰士大夫哀其忠爲之起墳於雁門歲時致祭而舊志書
在永寧今仍之

王女墓在城西南十里土人名王女滙塚高丈餘

石嶺關都部署郭進墓在城北一百四十里方山城內田

欽祚以暴卒聞贈安國軍節度使中使護葬

金吳永墓在州東北三十里中和原其子希尹撰碑存焉
明都憲車霆墓在城北三陽山之西諭祭碑存

兵部侍郎張襄敏珩墓在城西十五里于家店西山麓有
諭祭碑

侍郎張玘墓在城西

國朝總督兩江太子太保諡清端于成龍墓在城北八十五
里橫泉鎮左有

諭葬碑

江南巡撫于準墓

寧鄉縣

明戶部尚書王文賢墓勅修

大同府

大同縣

上古三皇墓相傳在府城南十五里王家莊

祁皇墓相傳在府城東三十五里塚頭峻絕如山

魏定陵公和跋塚在豺山魏道武幸豺山收跋刑之後太武幸豺山校獵忽暴霧四塞怪問之羣下僉言跋世居此祠塚猶存或者能致斯變乃遣建興公古弼祭以二牲霧卽除後太武蒐豺之日每先遣祭之

王版墓在城東沒賜溫明秘器宏昌公王遇監護喪事贈衛大將軍太宰并州牧諡曰宣王內侍長董醜奴營墳墓將葬孝文登城樓以望之京都文士爲作哀詩及誄者百餘人乃立獻祀於都南二十里大道右起廟以時祭薦并

立碑銘置守祀五家又詔褒揚獻圖其捍猛虎狀於諸殿
令高允爲之讚獻父橋贈武威王諡曰定追冊獻母賈氏
爲妃立碑於墓石左父子並葬城東相去里餘遷洛後更
徙葬太原晉陽故地

永固陵在方山鎮有雙陵水經注曰方巔上有文明太皇
太后陵陵之東有高祖陵二陵之南有永固堂堂之四周
隅雉列榭階欄檻及扉戶梁壁椽瓦悉文石也檐前四柱
采洛陽之八風谷黑石爲雕鏤隱起以金銀間雲雉有若
錦焉堂之內外四側結兩石扶帳青石屏風以文石爲緣
並隱起忠孝之容題刻貞順之名廟前鐫石爲碑獸碑石
在塚左右列栢四周迷禽暗日院外西側有思遠靈圖圖
之西有齋堂南門表二石闕闕下斬山累結御路下望靈